

利津縣志卷第九

列女列傳

元

劉氏馮伯寬之祖母也年二十四而寡二子一女皆在襁褓家貧甚躬採拾勤績紡以措歲月後子女成立家亦漸裕至治初旌表明

呂氏崔大成妻年二十大成卒子甫二歲舅姑相繼歿家貧恥再醮執節五十年撫孤成立

楊氏崔鐸妻年二十二稱未亡人遺一女方週歲誓無他志紡織以贍舅姑守節五十餘年

張氏王讓妻年二十五讓歿遺一女方五歲卽屏鉛華誓無異志歷四十餘年以節終人無間言

利津縣志

列女列傳

一

卷九

孟氏韓章所聘妻章爲弟子員以浴於池溺死孟年十六尙在室聞之痛哭幾絕因送葬歸韓守制父母難之孟給之曰容終制改嫁未晚也許之旣而又思別圖不從比終制沐浴自經而死

馬氏王晏妻年二十四生子未週歲晏卒哭之慟卽入室自經知縣樊經出絹五疋令作大棺合葬之

李氏庠生紀瑄之妻繡之母也瑄卒李二十一歲家窶貧勤女工以養姑訓子繡甚嚴姑死殯葬以禮守節六十一年詔旌其門繡後登進士第

張氏庠生安智妻智歿時年十九歲遺子生甫月餘賴十指以育孤人不堪其苦張處之淡如或勸其更嫁以圖苟活泣不從守節六十三年官閭旌之

薄氏王隆妻初許字隆隆卒奔喪卽墓樹自縊

孟氏高崇爵妻夫卒止一子事姑最孝屬姑寢疾誓以身代疾尋
廖孟卒年八十一

張氏孟進輔妻進輔卒張年二十誓不願生翁與其母崔勸諭不
聽夜起縊於柩側縣令許親往弔之給棺同斂表其門曰貞節
夏氏生員王濟妻年二十六濟卒抱尸大慟絕而復甦遺孤立身
生甫四十日夏矢死無二志躬紡紝養姑以孝聞立身承母訓遂
中乙科

高氏王溥妻溥卒高方二十二歲號泣不食或勸譬之高曰嫂有
子可以無死吾無出將安歸衆察其必死輪守之踰夜守者倦遂
潛縊於柩側提學鄒巡按周並匾其門題曰雙節嫂姓未詳

王氏生員于際妻際卒王毀容絕粒以舅姑在忍死奉事逮二親
繼殂罄奩資舉喪葬悉如禮有欲奪其志者正色拒之叅政呂廉

利津縣志

列女列傳

一一

卷九

其事獎以粟帛縣令李爲旌其門

李氏生員孟紹芳妻年二十一而嫠無子二女方幼卽截髮自誓
孝事姑嫜執喪如禮二女皆歸士族五十三歲卒守節三十一年
高氏李可昇妻年十九可昇邁奇疾卒子未匝歲二母垂白孀居
家貧勤女工以供俯仰後子之華補縣學生有文行至孫培則已
成進士矣

國朝

高氏生員張恭妻年二十九夫故子未週歲以女工自給守節五
十餘年知縣李給粟二石表其門

孫氏仁義鄉人生員林長春妻夫故孫年二十家貧戶單惟上有
伯姑嫡姑庶姑俱垂白下有子森方二歲孫矢志砥節勤於女紅
奉三姑甘旨無倦順治十年撫按以其節聞奉

旨建坊又給粟三十石以贍老焉卒年七十五

王氏儒士林萬春妻自二十四歲守節上無翁姑下鮮伯叔有二子長彬四歲次麓週歲貧無立錐又值崇正己卯奇荒饘粥莫辦惟賴鍼黹紡紉以易粟食教子督課嚴兩子俱成立有聲康熙五年縣府狀聞其行撫院劉表其門楔曰陶孟齊芳

于氏生員于遇春之女適明按察司副使紀繡曾孫大紳少失所天矢志堅守敬事舅姑姑卒奉繼姑畢氏如母曰井臼夜機杼以爲常訓子孫儉用以助脩脯繇是子孫讀書並起聲譽康熙八年縣學以狀聞撫院劉以柏舟永矢表其門閭

魏氏郭治烜妻治烜髻年游泮有文名早逝魏年才二十餘瑩子無依嫁女撫孤茹荼作苦五十餘年如一日年八十餘卒事聞旌表

利津縣志 列女列傳

三 卷九

孫氏仁義鄉王喬齡妻十九歲寡遺子方襁褓張誓死不改節會崇正壬午之變城陷子死瑩瑩一身瀕危者再於橫尸中求一門骸骨殞殮之家酷貧安心織紡雖垂白之年循閨範如處子年七十二歲士民爲之請 旌

杜氏庠生李鼎妻濱州貢生杜曦女十九歲而寡靜室端居終身未嘗見齒繼侄五蘊爲夫嗣卽墨黃克中有傳

程氏趙澍妻十九歲夫亡遺子世昌才卅歲程養親育孤無愆婦道世昌娶紀氏相夫勸學年十九亦寡痛欲殉夫會柩室火身投火中救免姑曰爾死我何以獨生程感悟姑以侄世榮爲嗣婦以世榮子芳爲嗣世榮入太學芳入邑庠雍正年同時 旌表歲貢劉永祚爲作傳

李氏趙和新妻年二十二夫亡子端木僅二齡祇奉舅姑訓子入

武庠守節四十二年乾隆二年 旌進士耿賢舉為立傳

綦氏黃秀妻秀卒撫子克述紡績以贍食用克述因其教食餼於庠有學行乾隆七年 旌祀節孝祠耿賢舉有傳

許氏王敷美妻年二十六夫卒三子俱幼舅姑既終貧無所仰依母家焉諸孤藉是成立苦節五十餘年乾隆十二年 旌教諭李承弼有傳

張氏監生趙佳俊繼妻年二十四而嫠遺子森甚幼事親孝克勤克儉後森為平陽府經歷孫士鶴補縣學生乾隆年 旌舉人魏同節有傳

李氏石磊妻十七歲守節孤子懋甫三月撫育逮於成人孫懋食餼於庠年五十九卒乾隆年 旌魏同節有傳

杜氏監生紀夢祥妻 孫氏王國用妻 蓋氏王士琦妻土琦國用之孫

利津縣志

列女列傳

四

卷九

孫氏蓋氏俱已 旌按列傳所載王濟妻夏氏王溥妻高氏 稱為雙節孫與蓋即其後裔故邑令扁其門曰雙節嗣徽 李

氏劉國用妻 李氏劉緒妻 李氏殷恂妻 殷氏李杲妻 高

氏孟懷妻 牟氏宋允敬妻 程氏李師亮妻 郭氏李雲章妻

劉氏李連美妻 蓋氏李大榮妻 殷氏于生妻 紀氏朱魁

文妻 馬氏高勛妻 張氏于之淮妻 張氏高鳳儀妻 趙氏

劉植妻 劉氏趙立矩妻 薄氏張守矩妻 胥氏郭欽妻 劉

氏高之興妻 劉氏蓋昌盛妻 張氏紀淵妻 薛氏生員紀位

妻 李氏王金妻以上俱已 旌

宋氏張鏞妻生一子逾年夫亡時宋二十歲瑩瑩然無一人可依

賴紡績餬口採蔬而食年七十以苦節終子名應徵稱孝子海陽

進士李承芳有節母孝子合傳

劉氏張復美妻夫卒撫遺腹子成立守節三十餘年

蓋氏劉克謹妻年二十九夫卒生子月餘上有舅及嫡庶兩姑第
紡織以供菽水舅姑歿祭葬無失禮事庶姑扶掖起居始終不怠
薛氏高庠妻夫亡絕粒數日舅姑諭以毋死乃泣從命事親育子
守節五十六年以上三節婦乾隆十四年 旌

李氏郭令儀妻年二十四生子五月令儀卒李乘夜自經姑救之
得不死因矢志養孤事姑以孝聞乾隆十五年 旌

李氏林怡妻年二十二夫亡子生七月貞操自矢子夭撫再從姪
爲嗣苦節三十餘年乾隆十六年 旌

夏氏潘師尼妻年二十而孀子璞歲方週奉老撫幼終完其節乾
隆二十年 旌

蓋氏王正禮妻二十五歲孀子幼逾月又生遺腹子孝事二親鞠
二子成立次子峩太學生教諭孔毓炳爲立傳

利津縣志 列女列傳

五 卷九

胡氏王緘妻夫歿時二十歲翼曰生遺腹子孝於舅姑一日家爲
鄰火延燒姑在室胡冒火入掖之出守節四十餘年

張氏庠生馬接武妻接武歿於館張攜三歲子迎襯歸葬教子補
諸生以上節婦三人俱乾隆二十四年 旌祀節孝

張氏劉溶妻年少寡居翦髮自誓勤績以奉二人撫嗣子東峯補
生員

李氏成萬勳妻夫亡守節以上二節婦俱乾隆二十五年 旌

隆氏李金章妻夫歿無產可恃無舅姑伯叔可依撫週歲子守苦
節七十年壽九十四終已 旌

隆氏劉國珍妻夫故子女並無孝養孀姑誓不他適苦節六十四
年邑令危世美扁其門曰節比松筠卒年八十四

劉氏趙士驥妻三十歲夫故撫子環孫其愷俱有聲譽序力卻請

旌守節五十四年

石氏劉舉妻年二十六夫故事舅養孤執節四十餘年六十八卒
蓋氏武生孫興龍妻二十一歲寡乾隆二十三年請旌

崔氏隆其樹妻 吳氏紀夢鶴繼妻 張氏左文儒妻壽八十二王氏

生員魏竅妻 李氏馬文禮妻 劉氏增生張元侃妻

林氏邑舉人林森女適綦應運十九歲寡子長齡甫一歲林撫子
守貞孝事翁姑以女紅易甘旨子稍長延師誨之學侄男女四人
皆子女之婚嫁一如已出歲歉出粟贍族人閭里多賴之卒年八
十七長齡後成歲貢乾隆十九年旌表如例武定府教授耿賢
舉爲立傳

許氏候選經歷彭清洙繼室萊蕪許仁厚女十七歸彭能孝事姑
劉二年夫亡子大剛方生八月許痛哭欲死劉泣諭之曰汝身殉

利津縣志 列女列傳

六 卷九

夫呱呱者將誰恃且獨不念老人耶乃止姑歿葬如禮大剛漸長
就傳書誨夜課後爲諸生許終以未從夫地下爲憾力辭請旌
年六十卒

宋氏趙柱妻農家女也柱亦躬耕而食歷十一年夫亡宋年二十
八遺孤二皆髻髻晝夜勤績以奉翁姑養生送死人若忘其爲嫠
也者長子之蘭授室生孫而遽歿婦劉氏師宋節行相依守志焉
後宋次子暨孫先後成立家道復昌

劉氏歲貢敦倫女歸張鶴齡事繼姑稱孝不數年夫歿無子遺一
女劉貞居四十餘年綜家政郵親族人無間然邑孝廉趙世佑爲
立傳

郭氏雙節者郭 妻趙氏及子婦楊氏也趙氏諸生簪女年十七
于歸數歲夫歿於都以姑老子穉忍死稱未亡人事姑晝夜不怠

親易燥溼二子長貞既婚而卒妻楊氏監生執蒲女夫歿時年僅十八耳哀泣不食將從夫死王姑與姑趙諭之曰貞也死我兩老人食不下咽汝所見也汝復舍生當相率從汝後矣楊乃壹志守貞以姑趙爲則執婦職恒忍啼爲笑善事王姑扶持抑搔輒代姑勞洎祖姑與姑繼逝竭力營葬撫子崑薑旣長爲娶於陳生兒才兩月而崑薑又卒婦陳亦以黃鵠自矢一門三節世並稱之

紀氏于魯之妻十八于歸以勤勞佑夫讀事翁姑婦道尤備夫故紀年二十七子方數月仰事俯育一身肩之子永徽長就學少荒惰卽以涕泣代夏楚永徽以是業成爲諸生有聲邑人欲上其事紀不欲止之曰吾不爲名也

劉氏廩生李崑妻生一女而無子夫故年二十餘孝養舅姑以卒夫志繼姑遺一幼弟劉撫之如子至於讀書有成遂取其子文鰲爲嗣

利津縣志

列女列傳

七

卷九

趙氏李泰期妻二十歲寡孝事姑嫜撫孤延祀貧而能甘衣食皆於十指取辦卒全其節

孫氏庠生趙吉仕之妻二十二歲夫卒子幼姑老孫從夫治命冰蘖自勵紡績以供甘脆教子銅勳成名

馬氏趙明紀妻與孫氏同族共居雙堂趙家街夫卒子未週歲馬守志食貧以存趙孤名之學山學山長入太學有稱譽乾隆三十年學使張若澐給匾孫氏亦同時旌

李氏官莊武生李昌運妻笄年于歸二十歲孀撫子以嚴濟慈率婢媪績紡命子誦書其側必成誦乃令就寢娶婦生子而天李於此時殊不欲生而婦亦指天自誓瑩瑩一室相依爲命世稱雙節治家整肅有法子名麗著孫連羣

烈女張小端姐隨父文生僦監生黃澹屋以居澹窺女美夜往逼之峻拒不從遂以羞憤自經乾隆二十五年七月事也女父鳴官黃澹論死部議得

旨旌表建坊祀節孝祠

李氏韓文緒妻二十八歲夫亡守節乾隆五十年學政趙以茹茶畫荻表其廬

張氏李元春繼妻夫歿三日以身殉已 旌

王氏王乞言妻年十九夫歿四日自縊死已 旌

劉氏紀嶠妻年二十八夫歿三日以身殉已 旌

王氏尚雲章妻年二十一夫故不食死已 旌

李氏王考妻年二十五夫故撫遺兒兒殤乃詣夫墓自經死

王氏劉渭妻十九歲夫歿守貞嘉慶二十一年 旌

利津縣志

列女列傳

八

卷九

牛氏蓋家莊處士蓋同仁繼配二十八歲守節嘉慶二十四年旌道光二年卒年八十七

段氏鹽窩街段朋友左家莊左丕武妻二十一歲孀無子以夫兄之子對爲子段知書算持家節儉尤識大義母家乏嗣爲誌其墓以碑四時不闕於祭夫之姪歲貢生貫一自就傳讀多獲其助長孫增生尋源亦因其翼導早著聲聞儒學遲崙源孫銓爲請 旌學政何表其門楔族黨復建坊焉年六十九卒

牛氏高洛妻道光十二年 旌

趙氏廩生胡茵生繼室夫故守節道光十三年 旌

丁氏趙文垣妻年二十八夫故守節四十六年道光十三年 旌

朱氏朱永成妻年二十一歲守節七十六歲卒有子

趙氏監生李思永之母失其夫名二十歲守節七十三歲卒

趙氏李怡妻年二十餘守節鞠子成立八十一歲卒已 旌

劉氏李愨妻年十八歲夫故守節六十一年已 旌

楊氏彭清漣妻 劉氏孫士敬妻 劉氏隆世楠妻 劉氏儒童

趙世麟妻 李氏趙其純妻 劉氏李恬妻 趙氏李 妻 張

氏任上智妻 壽八十四 陳氏李嘉猷繼妻 宋氏王永祥妻 李氏

生員趙艾妻 蓋氏監生高德相妻 王氏姜秉敬妻 高氏郭

中矩妻 李氏李繡田妻 趙氏劉國寶妻 呂氏王光耀妻

王氏李永妻 綦氏陳法曾妻 陳氏李景彥妻 王氏李渤妻

高氏牟允協妻 李氏李嶼妻 張氏黃衍馴妻 王氏張容

妻 鞠氏紀雲峯妻 王氏張化然妻 壽八十二 周氏李永泰妻 壽八十三

紀氏王周妻 宋氏呂建相妻 壽八十四

孫氏黃之鈞妻夫亡守節道光十六年 旌

利津縣志

列女列傳

九

卷九

豐氏翰林院檢討綦澧三子博書妻于歸數月夫溺死豐十五歲

卽矢靡他志事舅姑克稱婦職道光十七年 旌咸豐七年卒計

守節五十二年

季氏張巒妻夫亡守節道光十九年 旌

徐氏大高家莊高一椿妻嘉慶五年夫故時年二十七貞一自持

事舅姑能代子職子二人俊人傑教以義方延師授書後二子俱

死乃撫孀婦幼孫劬勞備至壽九十三道光二十年 旌建坊入

祠

傅氏顯恭女孫進寬女莊善修妻事舅姑謹舅先卒未幾夫亦殂

姑復以痛子卒治喪悉如禮夫兄善繼在吉林久無耗使人求其

孫還以承大宗貧無依與孀母同居爲其子濬哲授書傳後母病

革屬以尋祖母骸骨以圖還葬先是祖母王居壽光境之李王莊

以歸甯歿因厝於王氏之阡及母卒卽率子往覓之不可得傳仰天哀號誓不得骨不反夜忽夢青衣婦人來告曰問王許者旦有野鵲繞之鳴行三里許傳以爲神鵲也隨之至一村得王氏族人曰若幸遇吾此村今名大道莊故李王莊也問王許姓名曰歿已久今有王鎮淮其孫也遂偕往鎮淮家問柩所在歲旣湮人莫能辨指有疑瑩北孤墓者亦無徵傳嚙指血書誄禱於王氏瑩祈再夢而鵲倏集孤墓衆異之是夜果夢青衣姥至曰吾今歸矣明日掘其墓尺餘誌甗在焉自是乃歸葬其柩踰二年傳年四十九卒士夫歌詠成帙道光二十年 旌表子濬哲太學生

程氏張連奎妻庠生程書山女善事舅姑夫歿未出三日卽自縊夫柩之旁年二十六

宋氏戴希文妻年二十五夫歿自縊死

利津縣志

列女列傳

十

卷九

李氏庠生程翼妻年二十四夫歿自縊死

紀氏馬祐妻年十九夫故以身殉以上烈婦四人俱道光二十一年 旌

張氏十里堡張世奇女大牟家莊牟倫堂妻年二十八歲夫殂守義三十一年而終道光二十一年 旌祀節孝

陳氏蓋家莊蓋安道妻夫故子甫三齡惇子無依乃攜子乞食來關東有陳氏叔在焉叔故貪鄙欲嫁之以獲利陳以惡言絕之遂與子歸紡績自活子長力耕蓄積數年已小康矣道光二十一年 奉 敕旌表

劉氏劉家莊監生森女原任永清令張士英子監生孜之妻孜卒貞一自勵家浸落劉紡績外無所聞以夫弟暉子璧耀嗣惟教之務農業不慕仕宦四十年如一致焉卒年七十二

紀氏監生文墀女適孟家莊張士賢子監生張敬敬卒哀翁在堂
繼姑遺子穉纔數月因忍死守志奉親撫弟勤儉善居積後以穉
子鳳翰爲子孫曾滿前壽九十而終

王氏廣東巡撫福山王檢之女張士賢嗣子監生訖之妻敬事舅
姑佐夫勤讀夫卒遺兒鳳第甫三日幾以身殉顧念此呱呱者將
焉置乃勵節以養孤焉王性好施娣姒宗族戚鄰取求無不應嘗
語鳳第曰吾以善貽後人不庸愈於財乎年五十二卒鳳第爲國
學生

李氏邑廩生崑之女孟家莊廣西藩經歷張政子儒童奕翬妻夫
故守貞事舅姑善承意旨曉大誼隨舅任所舅卒夫弟奕翱方數
歲李籲同鄉資助侍姑挈弟展轉扶柩歸以夫弟子庶嗣年八十
七終以上四節婦俱道光二十一年旌

利津縣志

列女列傳

十一

卷九

薄氏劉維鈞妻十壽九 王氏程輝祖妻十壽八 程氏王魁妻十壽八

劉氏程惓妻十壽八 李氏胡苾妻十壽九 盧氏劉建事妻十壽九

尹氏郭金石妻十壽九 莊氏黃克正妻十壽八 張氏徐文寶妻

十壽八 薄氏許有訓妻十壽九 蔣氏韓吉士妻十壽八 蓋氏韓經

士妻十壽八 陳氏武生季世榮妻十壽九 王氏趙士福妻十壽八

高氏宋守正妻十壽八 李氏監生蓋其勤妻十壽八 姜氏蓋吾吉

妻十壽九 紀氏韓温妻十壽八 段氏黃維堂妻十壽八 張氏任繼

志妻十壽八 宋氏蓋渭妻十壽九 王氏許迪妻十壽八 徐氏趙謹

妻十壽八 王氏扈二雅妻十壽八 趙氏王枕妻十壽八 韓氏李居

敬妻十壽八 劉氏王輝祖妻十壽八 呂氏韓泮妻十壽八 于氏

庠生劉騰田妻十壽八 高氏牛協妻十壽八 劉氏宋芝蘭妻十壽七

李氏劉化瑞妻十壽六 趙氏張九淵妻十壽八 趙氏劉蘭妻十壽四

隆氏趙士義妻壽八 薄氏陳諧聲妻壽八 張氏增貢生李

對妻壽七 張氏郭江妻壽八 張氏李正春妻壽八 崔氏巴

大舉妻壽四 宮氏趙士驥妻壽二 甯氏許家祥妻壽一 王

氏石亮妻壽四 張氏李珠妻壽二 張氏尹桂妻壽二 宋氏

郡庠生武西園妻壽二 許氏孫起行妻壽一 張氏張庭妻壽八

二十 孫氏高平妻 張氏石鑑妻 李氏程實妻 薛氏劉美妻

劉氏張存仁妻 蓋氏韓諧妻 韓氏許元良妻 巴氏張根

妻 傅氏裴忠繼妻 蓋氏庠生劉樹楷妻 王氏胡東嶽妻

王氏庠生孫景岱妻 尚氏張克寬妻 崔氏隆元妻 薄氏劉

毓竹妻 程氏王儀鳳妻 牛氏趙萱妻 劉氏宋珣妻 馬氏

程清世妻 馬氏隆待聘妻 呂氏武生蓋振清妻 李氏于建

都妻 蓋氏趙含素妻 趙氏儒童魏潤妻 段氏馬泰寶妻

利津縣志 列女列傳 十一 卷九

孫氏殷鳳瑞妻 田氏韓果士妻 孫氏儒童劉先甲妻 崔氏

于法楷妻 榮氏儒童劉玉茗妻 魏氏趙淋妻 呂氏監生石

玢妻 王氏劉文曜妻 趙氏庠生甯汝龍妻 蘇氏監生郭鳳

岐妻 張氏趙榑妻 宋氏李藻妻 桓氏董勸妻 胡氏劉凝

德妻 尹氏黃維讓妻 王氏劉誥妻 呂氏韓濬妻 程氏張

守常妻 李氏趙灌妻 劉氏王鳳祥妻 徐氏魁以矩妻 王

氏石駿聲妻 張氏黃之松妻 尚氏劉鳳巢妻 殷氏李琳妻

蓋氏魏以準妻 趙氏劉義龍妻 張氏武生伍福合妻 劉

氏天文生李文鰲妻 魏氏庠生馬昀妻 魏氏儒童韓士俊繼

妻 張氏蓋元榮妻 張氏韓五書妻 劉氏尚河圖妻 李氏

高福膺妻 宋氏武生高大泉妻 程氏石國桐妻 董氏劉大

猷妻 崔氏李永輝妻 張氏劉長清妻 劉氏增生趙含章妻

劉氏劉長發妻	王氏附生季元長妻	蓋氏魏溱妻	朱氏
宋儒妻	石氏許仔妻	賈氏高欽妻	張氏石土能妻
張氏	王衍喜妻	王氏蓋維垣妻	劉氏孫塚妻
孫氏劉近智妻	袁氏孝廉方正趙濂妾	孫氏李永祿妻	劉氏李文翰妻
李	氏程長齡妻	史氏王詩源妻	殷氏儒童張敦厚妻
張氏石	岩妻	季氏李炳妻	綦氏高培爲妻
張氏張大興妻	李氏拔貢陳執中妻	劉氏李澧妻	趙氏潘聿修妻
趙氏潘聿修妻	呂氏尙揀選妻	王氏李冬妻	史氏程蕙妻
史氏程蕙妻	崔氏王雲霞妻	胡氏宋修妻	王氏張言順妻
張氏	張寶峯妻	李氏蓋雲峯妻	扈氏翟溥妻
薛氏許楸妻	劉氏	張氏	劉氏
劉氏	張氏李訓妻	王氏張玉輝妻	蓋氏張鼎鑄妻
程氏董清溪	妻	巴氏秦大猷妻	王氏程希禹妻
鄭氏	李滄妻	宋氏郭芳齡妻	李氏程作運妻
陳氏杜申法妻	孫氏王長清妻	王氏尙鳳圖妻	王氏李永興妻
董氏張池	妻	楊氏安雲龍妻	李氏劉嗣義妻
呂氏	李景彥妻	王氏董湘妻	崔氏王坦妻
王氏李兆海妻	氏李瑛妻	季氏張於岡妻	高氏李珽妻
安氏王華文妻	劉氏楊立典妻	蓋氏莊士興妻	王氏李居敬妻
劉氏趙文	濤妻	李氏馬國祥妻	董氏郭德會妻
趙氏殷沛妻	巴良弼妻	劉氏李濯妻	李氏韓周易妻
李氏李鳳鳴妻	魏氏劉文斗妻	張氏王平妻	韓氏高志學妻
王氏張鑄妻	王氏崔魁元妻	宋氏王永太妻	丁氏郭登蟾妻
黃氏朱	興家妻	宋氏楊作梅妻	宋氏宮士傑妻
丁氏附生賈漸遠			

妻 張氏趙樹妻 潘氏張玉妻 孫氏鞠恒佩妻 程氏魏來
儀妻 高氏劉守恭妻 綦氏王維城妻 宋氏趙國瓚妻 于
氏魏琳妻 張氏李悅妻 王氏劉長芳妻 郭氏畢世德妻
徐氏殷學貢妻 劉氏郭坤妻 趙氏黃維春妻 苟氏巴思
藹妻 李氏王成典妻 蔡氏曹繼宣妻 陳氏庠生陳蓮峯妻
于氏王恕常妻 蓋氏綦硯溪妻 王氏吳江妻 劉氏顧鸞
翔妻 李氏賈洪智妻 李氏周其經妻 孫氏王國襄妻 郭
氏劉玉樹妻 崔氏許适妻 劉氏監生黃以浣妻 王氏庠生
紀丕承妻 崔氏劉繼誠妻 趙氏崔書聲妻 陳氏楊福妻
李氏蓋廷魁妻 蓋氏邛懷彥妻 張氏張培妻 王氏李泳妻
梁氏王梅妻 高氏綦華亭妻 許氏范興妻 趙氏于重華
妻 劉氏高楨妻 王氏崔于蒲妻 朱氏鑒興茂妻 薄氏劉
允升妻 張氏庠生崔乃果妻 劉氏李慎妻 劉氏王文成妻
程氏劉議妻 李氏巴恭修妻 孫氏趙宿儒妻 黃氏趙運
隆妻 于氏戴文經妻 巴氏張光宗妻 桓氏張奠妻 胡氏
尙元會妻 張氏于家柳妻 張氏季桐妻 崔氏趙中和妻
薄氏陳源妻 謝氏綦福長妻 安氏李淑妻 王氏戴文翰妻
張氏徐思傑妻 劉氏劉發祥妻 馮氏戴受田妻 魏氏朱
祥霖妻 劉氏林中括妻 鄭氏李洧妻 蓋氏張作舟妻 李
氏監生郭溱妻 許氏韓誦妻 巴氏張鳳啄妻 孫氏劉象兌
妻 李氏陳方妻 郭氏劉觀度妻 傅氏劉炳煦妻 韓氏高
溪妻 張氏王嘉璠妻 紀氏王芬妻 周氏劉文德妻 劉氏
張璠妻 牛氏董文妻 蕭氏張若魯妻 李氏于宗渭妻 蓋
氏戴芳春妻 李氏張成筠妻 趙氏張連璧妻 巴氏王士宗

妻 李氏胡梓妻 高氏高寬妻 張氏高清泉妻 韓氏王福
兆妻 陳氏李大發妻 張氏劉節妻 胡氏于艾妻 王氏劉
璉妻 劉氏劉立盛妻 董氏張榮妻 宮氏李士會妻 宋氏
劉德正妻 馬氏趙文運妻 劉氏陳石渠妻 張氏庠生李元
儒妻 蓋氏鑒常有妻 張氏劉吉麟妻 張氏張嵐妻 劉氏
李檢妻 崔氏高永福妻 陳氏尚可增妻 安氏監生李長虹
妾 蓋氏李大生妻 張氏牟進貴妻 孟氏高永起妻 許氏
李江妻 王氏王秉禮妻 胡氏監生張瑾妻 張氏教諭黃維
壅妻 王氏李爲澤妻 劉氏穆書思妻 扈氏林美妻 趙氏
馬士奎妻 吳氏黃繼榮妻 王氏蓋步奎妻以上節婦三百二
十三人俱道光二十一年 旌

蓋氏仁愛女適後彩莊張國榮事翁姑謹勤婦功夫歿時年二十

利津縣志

列女列傳

十五

卷九

撫子稍長誨之學毋使荒惰旣而子亡撫諸幼孫以終其節提學
辛賜扁曰陶孟嗣徽

郭氏汀河伍士海妻郭白新女二十三歲孀苦節五十二年亡年
七十五

張氏于恩女歸王鑾二十三歲夫亡守節五十一年卒年七十四
以上三節婦道光二十一年 旌

李氏文成女宮連佑妻及子廷華妻于氏皆年少而嫠姑媳以節
行相勉勵道光二十一年同時蒙 旌曾孫玉田妻馮氏十九歲
夫歿舉遺腹子名孚遠玉衡妻于氏二十一歲夫歿遺子光遠才
而歲各撫以成立馮卒年七十三于今六十五

韓氏可謙女韓有廷妻年十六夫亡守節繼侄俊爲後俊娶宮氏
年二十六亦寡貞節自勵孝於姑養葬無缺事道光二十一年爲

姑請 旌繼侄德明以承祀年六十八終德明秉母教力於學爲

聖廟奎文閣典籍

宗氏夾河莊科陳元初妻生子芳月餘而元初卒芳娶婦李氏生子順和二歲芳卒與姑合志守貞爲順和娶崔氏生女一子一子名興齊四歲而順和又歿三世節孝時人稱之宗氏二十六歲寡卒年七十八李氏二十六歲寡卒年八十五俱於道光二十二年

旌表建坊祠祀崔氏二十八歲寡今年六十六矣

鹽窩鎮季氏一門三節一高氏海豐高應芳之女歸季渭爲繼室以和以謹夫故一慟幾殞旣而曰吾命也遂守貞焉一張氏渭前室子增廣生元儒妻庠生張綬女性勤儉不苟言笑敬事翁姑處姊妹娣姒以和元儒歿安命守節一如高氏無子撫夫兄元昌子雲揚爲嗣入武庠一張氏爲渭之孫廣揚妻父淑瑗青城舉人官

利津縣志

列女列傳

十六

卷九

棗強令張事祖姑相夫子胥嫻禮度于歸五年而寡水霜自勵無出以夫兄名揚子榮麟爲子善教之榮麟蚤歲卽能自立道光二十年有司揭其狀以聞 敕建總坊入祠復自建一坊榜曰三世節孝

李氏李家莊庠生王愷妻生一女夫故守節道光二十二年 旌李氏李家莊崔居龍妻夫亡守節姑歿舅客遼東事王舅姑二十餘年不怠道光二十二年得 旨旌表建坊入祀卒年八十一二子曰統曰緒孫四

宮氏庠生郭敦典妻 趙氏儒童紀良妻俱道光二十二年 旌表

郭氏王慶堂妻監生郭芳女十七歸慶堂曰事紡紝越數年夫卒子方二週初欲殉勺漿不入口者累曰舅姑父母陳大義曉之乃

迴志守貞經營喪具奉老存孤夙夜力作不少懈道光二十三年
旌如例子名勇兆業農

郭氏程恒清妻十六歲守節道光二十三年 旌

邑西關劉氏三節者劉渭妻王氏二十一歲夫故守節子長發妻
劉氏孫觀度妻郭氏俱二十三歲夫故守節道光二十三年教諭
遲訓導周以三世清貞題其門楔

崔氏適林子莊處士劉吉成踰數年夫故姑齒近九旬子生而瞽
奉老鞠幼艱苦倍於尋恒以躬節儉家道寢興諸孫業儒業農崔
年八十餘無疾終道光二十三年 旌表入祀

綦氏庠生應龍女年十九歸高容莊次子培入門能修婦職三年
夫死遺子金環纒巾歲綦哀痛迫切中卽矢終身志後翁姑先後
歿舉喪無缺事艱苦勤劬終全其節夫弟壞城坊皆依之成立綦

利津縣志

列女列傳

十七

卷九

於道光十年卒五十一二十四年 旌表如例

勞氏貢生郭魁東妻二十八歲守節 張氏武生郭獻廷妻二十
七歲守節以上節婦二人俱道光二十四年

旌

許氏庠生應龍長女高蔭楷妻夫卒二子皆襍中兒許泣不成聲
絕水漿者七日決志欲殉舅姑知而謂之曰是胡爲者爾無伯叔
養我暮齡延我宗嗣壹皆賴爾爾獨弗念之乎抑聞之夫死無子
以死從可也有子且有親死則遺不孝名是胡爲者許感泣因矢
終身志事親善承顏撫子不爲姑息愛力作持門凡縫紉灑掃諸
事沓瑣必躬親二子自塾歸必問某書已成誦否篝燈夜課欲睡
則以帚柄痛楚之姑歿十年後舅八十餘病憊不能持七箸每飯
皆手匙以進必精必潔如是者四年執舅姑喪悉如禮則後次子

貢齡以進士除京秩許就養京邸嘗諭之曰爾資性純直吾不虞爾蹈貪污惟更事少無通變之識當自勉爲有用才第一立腳貴穩毋疏略於事不然敗矣其他行不具書蓋可類推云道光二十四年 旌表入祀至咸豐丁巳卒年七十八

馬氏李福才妻既寡貧而守義歷五十餘年以節終卒年八十二張氏李天桂妻二十歲守節 李氏貢生李桐芳妻二十八歲守節以上節婦二人俱咸豐元年 旌

郭氏庠生黃文佐繼室二十二歲守節撫子克璋成立愛前室子無異視多子之產持家有則年八十四卒克璋妻劉氏夫歿時亦二十二歲佐姑治門內事訓子維聖孫金耀勵學卒使金耀以賢書顯卒年七十六又薄氏金蘭之妻嫁七年而孀時二十五歲以大母猶存忍死守志操作甚力年四十二遽卒學使馮譽驥爲作

利津縣志

列女列傳

十八

卷九

黃氏三節婦傳俱於咸豐元年 旌表

鞠氏處士紀雲峯妻二十四歲守節事繼姑能孝敬無子以姪爲嗣今乃子姓蕃衍矣咸豐六年 旌

程氏蓋家莊太學生蓋允中繼妻允中初娶紀氏生二子而歿家故豐程復以勤儉治厯朞月而允中歿事舅姑撫孤子以身仔任之二親既喪教次子星垣力學入庠食餼二子將議請旌程曰節乃婦所應爾汝曹苟立身揚名是所願也安用旌爲固請乃許咸豐八年奉 敕入祠後長子星軫暨婦俱亡遺孫二撫教悉資於大母後星垣成歲貢乃樹坊焉越數年卒

伍氏時豪女十七歲歸八里莊儒童崔崑越七年夫亡守節順於舅姑事女紅有子槐年撫而教之後爲國子生孫肇乾爲諸生學使于以古井無波顏其門卒年七十四咸豐九年 旌

劉氏劉恒泰繼妻夫亡遺二女以姪發源嗣而教之業成由廩貢
候選訓導劉八十三歲卒守節五十四年咸豐九年 旌
李氏郡庠生隆溥妻年二十二守節勤績以事親親喪盡禮極哀
撫子源入太學有孫衍麟候選巡檢今李存年七十有四咸豐九
年 旌

崔氏周家莊周太和妻守節五十八年八十六歲卒

苟氏胥家莊胥鶴齡妻守節五十二年七十三歲卒右二節婦同
治二年 旌表

王氏紀有柱妻嫁一年而夫歿時十七歲事姑謹於婦道形影相
共者三十餘年後立姪爲後同治四年 旌

宋氏劉家莊劉蘭秀妻同治四年 旌

張氏梁家莊李譜妻寧海張禮女也夫祖年逾九旬艱於動履左

利津縣志

列女列傳

十九

卷九

右奉養無倦夫祖暨父繼殂佐夫治喪皆無缺事姑許氏幼瞽服
事尤虔夫故病瘵不能治生專賴績紡以給朝夕年二十九夫歿
勸慰瞽姑惟恐不逮姑歿縗麻哭泣一如孝子戚里哀之遺二子
景文景武延師授業皆爲克家令嗣同治六年請 旌守節已四
十六年

魏氏綦家夾河綦震龍妻年二十八夫故遺二子皆幼孩貧無依
紡織爲生後二子貿易家日起魏勤儉不易其初守節三十六年
卒年六十五同治八年 旌表如例

程氏楊家廟劉愿妻程憲之女愿卒勤擘績以養舅姑鞠二子尤
極勞瘁同治八年 旌表學政于建章給額曰懿型堪式

郭氏北鄉蔣家莊處士高光廷妻年二十七歲夫故守節已四十
六年同治八年 旌祀節孝

張氏儒童成作聖妻作聖卒張年二十五歲事翁姑養葬盡禮勵節不渝撫遺娠子纘成立孫三人魁朗明魁造後家境日困無以給饗殮以魁朗在都服賈纘乃負母北行伶仃走曠野會嚴冬風雪凍欲斃母子不能前纘拊膺泣曰吾死不足恨倘母亡吾不孝之罪通於天矣泣已俄見有束薪方燃遂就火得不死相駭以爲異張壽七十八而卒同治八年 旌表魁朗太學生魁造捐從九品曾孫七人後昆縣延不絕

張氏蓋家莊蓋春田妻年十八適蓋氏逾年夫歿貧乏自安母家有勸其更嫁者乃截髮以見志撫夫兄春田子爲子守節歷十八年而卒是爲同治三年逮八年 旌

黃氏程肇基妻黃德成女奉姑嫜以孝肇基卒撫二子教以義方孫二鳴鑾鳴珂俱成諸生同治十年 旌表入祠

利津縣志

列女列傳

二十

卷九

崔氏陳家莊陳志興妻守節五十八年同治十年 旌

趙氏三里莊趙輔女林家五股道林葵煦妻二十歲夫故善慰舅姑使無喪子悲無子以從姪培姓爲夫後撫教不異所生同治十一年 旌守節已三十七年

李氏甯家莊李珍妻珍卒時二十三歲無子事翁姑至老不倦愛侄輩如所生延師訓誨俱入膠庠齒七旬猶勤婦業居恒不出門閭罕有識其面者同治十一年 旌年七十二

董氏董王莊董曦女北左家莊李士超妻于歸六年而孀家貧姑老夫弟士隆才數歲羸而多疾令從師就業慮其不力學又慮其勞而憊也嘗泣謂之曰李氏所恃以不絕者惟汝爾嫂代母慈撫教至成立爲婚娶舉長男曜東卽以爲嗣曜東昆弟四人一視之督曜東勤學爲諸生食餼有聲董今年八十三執節五十九年同

治十一年 旌表

李氏北左家莊李士驪之女適南左家莊監生左學經時年十五逾四年夫病故王舅姑舅姑亦相繼逝艱難萬狀舉葬事者五鬢髮焦白見者皆爲之涕夫之歿也嘗典衣飾爲舅置筵室雖生子女不育而亦以守義終蓋李之孝有以化之也守節歷四十八年同治十一年 旌今六十八矣

趙氏雙井趙獻之女年十七歸左家莊左運廣二十二歲夫卒趙將以絕粒死旣思姑老子釋乃節哀順變矢靡他焉後子紹志又殂有幼孫二於是與孀媳王氏撫二孤茹苦度日同治十二年 旌

蓋氏恩之女歸高容觀長子德相事王舅姑舅姑以孝稱三年夫故遺一子兆麟教育兼至長入縣學每欲爲母請 旌皆辭之曰

利津縣志

列女列傳

二十一

卷九

守節原分內事若求表章是驚名也蓋識文字明義理時舉史傳中孝子誠臣勸其後嗣長孫心田亦入庠皆其教也蓋卒於咸豐癸丑年七十三同治十三年獲 旌

許氏許家莊元英女瀛海薛式度妻二十三歲守節同治十三年 旌今年六十六

魏氏泰津女適綦家夾河綦鴻儒年十九夫亡無子矢志不嫁順於舅姑立侄爲夫嗣守節已三十九年同治十三年 旌

程氏韓鵬年妻太學生程硯田女孝事姑嫜值大疫同居死者四五人姑病幾殆程佐夫侍奉無間夫因染疫程朝夕在側天陰晦冥疑聞鬼哭了不畏避夫死竭力殯葬姑在牀第時勸其飲食姑病尋差越四月舉一男已 旌未詳年歲

張氏儒童李孚先妻縣學生張蘭芳女貞靜寡言笑入門後蔬糲

自甘相夫子力於學孚先縣試舉首將入庠卽病歿無子女張遂就組以殉邑士夫多有題詠已 旌未詳年歲

程氏舉人李鳳霄妻能事舅姑舅姑暨夫繼歿程時年二十夫弟二人尙幼家貧子立無依人有謂苦節不可貞者程曰吾惟死與守二道耳然徒以一死塞責如兩季何於是銜哀矢志蚤夜力作撫幼叔而教之如母也子者後皆成立守節逾五十年已 旌

趙氏左學武妻學武病篤而娶妻旣娶而殂趙誓不更人與姑居十餘年能修溫清之職旣卒乃獲 旌焉

邛氏適仁義鄉扈增增業儒病將歿謂邛曰吾亡後爾代吾奉大母父母吾弟穉亦善撫之旣歿邛毀粧勵志竭操作早夜不休逾五年王姑與翁先後卒家益凋弟又夭折遂乞食以養姑後墜舟折脛而跛終無改志齒六旬餘始繼子爲夫嗣備歷諸苦嘗語人

利津縣志

列女列傳

二十二

卷九

曰夫屬我以終身事也敢忘諸至七十餘卒未 旌

劉氏張家莊張文舜妻年二十九夫卒貧無子義不更醮歲凶幾死者屢夫弟遠去劉夙夜織紵忍饑以奉姑食姑歿時節祭掃負土築墳哭泣極哀至六十九卒

李氏北鄉夾河處士胡繼綸妻年二十四而繼綸歿貧而無子勤組織以膳姑姑年老目盲李左右扶掖不怠姑卒盡禮營葬然自是益不支寄居母家每春秋祀必越十餘里往祭奠哭甚悲守節已三十七年

孟氏許廷舉妻嫁十一年夫卒時年二十九姑老二子皆穉齒家道空乏日夜績紡以資事育十指常凍裂流血縷縷後長子亡次子因其教成立守節已三十七年

劉氏劉琴之女十八歲歸張廷蘭二十三歲孀事親育孤子備極

劬苦後則孫曾蕃衍五世一堂矣劉守節凡五十二年卒年七十四子名醕

陳氏張溶妻西灘陳嶺女十九于歸越二年寡子錫寶未離襁褓拊育至成立治家有法祖業有增無減卒年八十四

薄氏太學生發春女儒童張寅曾妻年二十一而嫠卒年七十計守節凡五十年

陳氏邑學生鶴年女年十七歸張亮曾善事舅姑越三年夫故茹荼守志今年六十有九苦節已五十年

季氏張萃恩妻太學生季孔臨女年十七歸萃恩有婦德能得舅姑歡歷二年而寡安貧守義奉二老彌虔習鍼紵以供羞膳今六十歲以上節婦四人俱同治十三年旌

岳氏劉裕昆妻二十六歲夫亡子生數月以貧窘挈孤依母居紡績不輟守節四十五年子孫繁盛

莊氏大牟家莊紀蓮妻南樓莊柯亭之女蓮卒時二十四歲誓無二志事翁姑養生慎終能兼子職繼夫兄子守經爲嗣守節今已四十九年

楊氏大牟家莊紀守仁妻楊作棟女守仁本華之子出爲伯父英嗣咸豐辛亥以遊學客死宣化地遠千四百里力不能輿櫬歸迨同治己巳乃返其骨卽以從姪長清爲嗣當夫之歿也姑痛之甚以鬱疾卒旣葬煢煢無所倚夫有本生母王氏尙存因與同居母魏氏有癱疾常卧牀簀并迎養焉生計惟取辦十指而二親滫瀡未嘗或乏現年五十六歲守節已三十二年

張氏孟家五股道耿武女城西官莊李錫連妻也年二十六夫殂無嗣矢志靡他事其舅養葬胥以禮今六十五歲守節已四十年

楊氏城南蓋銀樓妻生子而孀年二十四善事二親親歿訓二子讀書力田漸稱小有守節已二十餘年

程氏劉振清妻監生程自厚女于歸後以孝婦稱舅姑卒供其像晨夕朝拜如生存夫歿後多積逋貧無子女或慮其難支歲月乃泣曰禮稱未亡人亡其分也吾之不即亡者以父寢病無人侍湯藥耳迨父卒既殯鬻宅償逋於是往祭父又詣夫墓拜已仰藥死於舅姑像前邑人爲鐫石於其墓以上節婦九人俱未 旌

呂氏高人傑妻張家灘呂應夏之女人傑卒呂年二十八歲是爲道光乙未事孀姑孝誨子持家嚴整有法度戚里鄉隣時被溫卹至光緒二年守節已四十三年其子曰峯籲請獲 旌建坊入祀殷氏呂永年妻夫故時年二十七養姑育子砥苦節至四十六載卒光緒二年 旌

利津縣志

列女列傳

二十四

卷九

隆氏李鳳翥妻道光三十年夫亡守節今五十九歲光緒三年 旌

郭氏劉長澤妻早嫠守貞同治八年請 旌次子縣庠生季萑早歿婦紀氏以節孝聞立猶子承嗣光緒七年請 旌

蓋氏綦芳楠妻道光十六年夫故守節現年七十有二光緒八年 旌

豐氏蒲臺人適鄭家地方大莊蓋以汝二十五歲夫殂子身守義堅志不渝有婦女顛沛而嫠者常倍助之以成其節年六十五得 旌今七十四

陳氏崔蟲妻二十五歲夫亡執苦節四十二年貞孝兼備卒年六十七

李氏文亮女李芳妻年二十一夫故鞠子守貞有孝行亡年七十

四

呂氏菴女王光耀妻二十歲夫故節孝並稱卒年七十二

陳氏喜唐女裴錦峯妻年二十四夫亡奉姑不嫁卒年七十八

劉氏陳乃浩妻劉五容女二十歲夫亡苦節四十七年卒年六十

七有子

牟氏增生紀淇繼室二十歲守貞善治家視前子猶已出六十四

歲卒苦節四十餘年

趙氏世德女牟麟書妻年十八而麟書卒貞靜自矢無尺寸之士

期功之親資紡織以餬口苦節特著年六十五族人葬之

趙氏濱州學晉女宋賢舉之妻二十六歲夫卒遺娠生子奉老撫

嬰紡織以助生計舅卒遵禮殯葬事姑益虔除喪爲子聘婦宋氏

一綫藉以克延年三十九遽卒

利津縣志

列女列傳

二十五

卷九

李氏張書紳妻年十五于歸二十七而書紳卒無子李剪髮矢志

時王姑翁姑俱在悉善事之王姑寢疾侍藥餌不離側及歿因瘁

成疾然猶自諱姑察其狀知之爲買婢使代其勞李曰高堂猶待

婦事婦不敢諉其責因以婢爲女教之女紅逾年疾發頓亡年僅

二十九以族侄嗣

馬氏濱州馬讓女張陽剛妻結褵五載而夫故夫出同胞叔馬以

叔父叔母爲舅姑至是惟姑在堂憐其少語之曰吾以姪爲子而

已不祿是命不應有子媳也吾媳又無子盍早自計馬乃轉相慰

藉誓死靡他事姑生養歿葬罔不周繼從兄陽輝子而教育之卒

年六十二以苦節終其身

周氏松女年十八歸高河源事舅姑盡厥職相夫以義閱四年河

源卒周以柏舟自矢竭力慰其親家素窘以紡織鍼紉供甘毳而

自啖糠粃於是有利其改適者以言誘其舅姑周恐舅姑久而意奪遂仰藥死舅姑哭之曰是無負於吾二人吾二人負爾矣卒年三十三時爲同治庚午未 旌

石氏綦梓蔭妻咸豐元年夫故石年十九無舅姑伯叔亦無子女從祖姑艷氏共矢清操以紡紝支歲月撫嗣子富春以延嗣今五十二歲守節已三十餘年

劉氏李鴻舉妻二十二歲夫故守節是爲咸豐癸丑今五十一歲程氏李錫鴻妻十九歲夫故守節是爲同治八年於光緒六年卒年二十九

綦氏石宗嶽妻咸豐十年夫故守節時十九歲同治四年卒年三十一

宋氏高與山妻咸豐七年宋二十九歲夫故守貞今五十五

利津縣志

列女列傳

二十六

卷九

綦氏張守義妻夫故於咸豐四年綦年二十三今五十二

劉氏劉頤齡妻二十三歲夫亡守節是爲咸豐元年今五十七歲聶氏劉鳳舞妻道光二十六年夫故守貞年二十七今六十四以上節婦八人光緒八年請 旌

李氏李璠長女歸高龍泉四子逢昌爲繼室二年逢昌卒遺女一無子阨窮守節治絲枲啖糠粃而始終無瑕踪李於光緒元年卒時年七十繼兄子令望爲嗣

夏氏紀梅妻早失怙恃育於嫂氏十七于歸未暮年喪舅姑越四年夫又卒慟哭欲死轉念藐孤不存則紀氏且無後姑忍之以養以教比子稍長謂之曰吾聞汝家累世修德若汝不肖則汝祖父有嗣而無嗣矣子名典午爲武庠生里人爲請 旌夏自言闕婦德恐不能堪云今五十四歲

王氏繼昌女劉發紳妻夫故王時年三十僅遺一女悲啼不欲生
姑諭之乃不復殉事舅姑以禮後姑與舅先後歿喪葬盡其財以
猶子丕顯爲嗣

張氏李銘妻生一子而孀時年二十一家貧張紡績得貲以給朝
夕遭舅姑喪黽勉營葬又數年子亦天粗糲不給坦然處之今五
十四

趙氏庠生長清女吳金銘妻年十六夫故守節事舅以子婦執人
子禮溫靖無乏歷三十年不衰邑里稱孝撫遺娠子訓以成立今
年五十七

薛氏式訓女歸汀河崔曦十九歲寡今六十二守節已四十七年
王氏武耀女歸王煥奎無子二十二歲守節逮今已三十八年
張氏朝勳女裴淳妻二十二歲夫殂守節至孝今七十三矣

利津縣志

列女列傳

二十七

卷九

崔氏銘鼎女王呈耀妻二十七歲守節撫子今六十九

蓋氏石蔭松妻十八歲夫歿守節事姑孝識大體以侄爲嗣今六
十六歲

徐氏彭永盛妻年三十守節是爲道光三十五年今六十九

楊氏廩生高如升之妾年二十七夫亡今五十八歲守節已三十
一年有子良增生

張氏高如升妾夫亡年二十六現年五十七有子二子善武童殉
難子愷郡庠生

孫氏濱州孫棠女年十五歸儒童張好賢二十八歲而好賢卒舅
姑慟子死得狂疾孫善調護之疾漸愈子雲漢九歲命就家塾讀
時時督責之閱三年姑歿舅疾如初承奉不懈後子入邑庠而舅
卒子食餼又五年亦歿孫年五十四與媳撫二孫以終焉今已請

旌

李氏劉大明妻年二十五而大明卒李忍哀痛以釋堂上悲孝舅姑和娣姒鞠五歲子以守志無何舅姑卒貧不可支李賴紡織以爲生資斗米尺布皆關念慮迨子長立業家少有而李已七十餘矣

胡氏儒童王安邦妻十八歲夫故能孝且勤無子女苦節已三十餘年乃以弟崇慶子毓藻爲嗣以上節婦二人現請 旌表

扈氏成昌謨妻 劉氏王吉祥妻 劉氏成書庸妻 劉氏張礪

溪妻 周氏張演豐妻 楊氏王志奇妻 岳氏程建羣妻 蓋

氏程繹慶妻 鄭氏程貽澤妻 劉氏王維範妻 王氏韓臯鳴

妻 胡氏王方陞妻 胡氏王方永妻 王氏張義成妻 張氏

張貽書妻 李氏張義芳妻 張氏張智芳妻右節婦十七人現

利津縣志 列女列傳

二十八

卷九

請 旌表

黃氏蓋家莊以岱女幼嫻女箴敬事父母十七歸小郭家莊郭承緒越數年夫病危囑以奉二親養孤子黃曰敢不唯命是聽夫卒後子亦殤舅姑謂之曰天天爾嗣婦焉依黃曰此命也將安尤及親喪哀能盡禮罵內外簡語言親故無得而面焉守節今已二十餘年

李氏愬女十八歲歸李儒越三載儒卒既葬三日雉經以殉

任氏舉人魁揚女年十九適舉人張葆恩三子儒童與樞習禮知書事孀姑承順辭色姑病侍湯藥無倦色佐夫苦讀昕宵無間越三年夫歿任剪髮毀粧絕粒而卒未 旌

王氏刑部郎中李貽良室海豐戶部郎中王毓寶女幼端靜嫻女儀于歸後隨舅姑之任汀州屬姑疾發躬奉湯液罔有情容一日

病劇王於宵分爇香祈天遂引刀割臂肉和藥以進姑病良瘥以王深自隱諱故沒世未獲 旌焉

補遺

楊氏布政司理問趙麒繡妻 孟氏趙相妻 綦氏儒童胡餘棋妻 李氏廩生李佩璜繼妻 張氏儒童崔世珍妻 王氏儒童胡以經妻 賈氏常萬齡妻 劉氏常萬峯妻 趙氏儒童王莖妻 崔氏胡英武妻 王氏郭浚妻 巴氏劉徽妻 劉氏董國瑤妻 劉氏劉恒泰妻 王氏韓有節妻 李氏蓋其昌妻 王氏左學武妻 于氏賈邁羣妻 張氏劉吉慶妻 王氏監生季棠妻 王氏儒童呂鳳若妻

以上節婦二十一人舊志府志俱未登茲據節孝祠之有位者補而錄之其 旌表年分先後則不可考矣

利津縣志

列女列傳

二十九

卷九

按傳中胡氏王誠妻府志作王民誠宋氏戴希文妻府志作宗氏姜氏蓋吾吉妻府志作蓋五吉李氏張帑翬妻府志作張奕翬高氏牛協妻府志作牛永協許氏孫起行妻府志作孫起王氏胡東嶽妻府志云一作胡文貞當是一人而節孝祠祿位有二似誤綦氏高培爲妻府志作高培安氏王華文妻府志作王文華郭氏畢世德妻府志作畢士德于氏王恕常妻府志作王恕劉氏高楨妻府志作高永楨李氏張成筠妻府志作張成均至劉氏趙文濤妻入祀節孝祠府志有劉氏趙文渤妻府志張氏教諭黃維堃妻節孝祠有教諭黃維壁妾張氏未知是一是二袁氏孝廉方正趙濂妾安氏監生李長虹妾府志俱作妻恐非又府志有張氏庠生李元儒妻而傳內有增生季元儒妻其或李字爲季字之訛耶抑別有李元儒其人耶姑兩存之以俟

考

志曰古有之曰一與之醮終身不改至宋程子則曰餓死事小失節事大綱常之重爲之柱礎匪獨士夫亦在女子焉明斯義者拒狂狡卻強暴甘爲玉折蘭摧而不悔其得未亡者奉老撫穉執志不回乃至茹荼嚙蘖瘁瘠憂鬱而沒即使登彤管之編霑文士之筆亦已悲矣况窮居僻處未採輶軒其與烟塵同漫滅者尤不可勝計哉幸際

聖朝闡揚幽貞駕越前代同治以還於節烈請

旌迭寬其例邦人士於是廣爲蒐訪播厥芳徽庶幾礪俗維風之一助爾

列女補遺

李氏歸山西巡撫趙長齡長子大勳逾年而嫠孝事舅姑嫻于禮
姑孫及張寢病皆躬奉飲食湯藥夜不解衣者經一月又能鞠視
幼弟戚族善之無子以夫弟子福楨爲夫後守節三十六年亡年
五十四